

中華民國元年十一月五日

湖 南 政 報

中華民國郵政局特准掛號為新聞紙類

每三日出報 每月每份售銅元三十八枚 零售每册銅元四枚(郵費另加)

第四册 總發行都督府政報發行所

印刷所育嬰街宏文社

目錄

◎本省令

都督令

財政司令

◎呈批

財政司批

◎公件

民政司頒示禁煙總公所焚燬各項土膏數目表

公電

籌備選舉事務處致各府州縣電 計八道

衡州轉桂陽第三區覆選監督呈 都督暨籌備選舉事務處電

常德轉慈利呈 都督暨籌備選舉事務處等電

公文

都督咨督核宋廷宣呈伊子承綬在瑞金任內民欠未完乞邀准令

歸文

◎轉錄

中央命令

省議會議員各省覆選區表

續

審定教科用圖書規程

呈批摘要

大總統批國務院代遞湖南代表鄒代藩等請續運東蘆鹽引呈

農林部批湖南桃源縣農務分會控告馬猶龍等呈

陸軍部呈 大總統准臨時稽勳局咨開鍾傑自請取銷卹典一案准

交國務院取銷文並批

各公件摘要

公電

黑龍江都督致籌備國會事務局電

籌備國會事務局覆黑龍江都督電

陝西都督致籌備國會事務局電

籌備國會事務局覆陝西都督電

四川民政長致籌備國會事務局電

籌備國會事務局覆四川民政長電

籌備國會事務局致各省都督民政長電

籌備國會事務局致各省都督民政長電三則

內務總長致各省都督電

公文

交通部議定管理輪船公司註冊給照事項權限通行遵照文

國務院咨覆財政部前准咨送擬具完全組織中國銀行各辦法議案

一件業經議會公決希從速辦理文 附原議案一件

擬將中國銀行完全組織並將大清銀行清理處歸併辦理議案

△命令▽

都督令

◎都督令 實業司 商務總會 查辦漢壽縣呈覆商會電控工會違章勒索一案由

案據漢壽縣知事周勳錫呈稱案查接管卷內九月十一號奉實業司青電開據該縣商會電控工會張植桂違章勒索各節查明屬實即予取銷具復等因奉此查漢壽縣城商會久經成立工會亦於本年夏間奉文開辦照章本以調查註冊爲入手旋准工會張植桂陳克秉等咨稱竊敝會組織成立以來實以劃清工商界線調查註冊爲入手辦法其餘惠工醫院業已舉行即貧民工廠工藝學校等一俟欸集便次第開辦前因商會聶光洪等無理干涉業經呈請實業司暨總工會分飭該會遵行並經貴廳剴切示諭已於本月一號發給註冊號牌公同承認在案不料聶光洪張鶴林等仍敢百計阻撓越界主抗意圖破壞以遂該商會壟斷把持之心敝會不忍工商衝突致礙共和特請正紳陳賢弼劉紹祖潘鼎勳等理諭該商思以和平解決殊聶光洪等不獨負固不耳尤敢以違章勒索等情暗行朦電竊查分會簡章第七條常年費以工界註冊特捐撥節應用并經總會開會議決先註牌冊後註工冊牌冊分甲乙丙三等甲牌三串乙牌二串丙牌一串工冊冊名普通四百文敝會照章業經酌量減少且所調查皆應隸工會之業何謂違章開辦經費均係籌墊註冊費金一經阻抗百未收一旦手藝微末者已申明暫予停收何謂勒索近來外貨充溢國貨日形腐敗維持之計不得不改良工業以爲抵制即今進步猶慮其晚若任該會肆力抗拒工業竄敝實於我民國利權關係匪輕敝會爲工業發達起見應請速賜查明具覆都督暨實業司長敝會如有違章勒索情事自應取銷如果確係該商等越界阻撓是有心破壞亦應照章辦理理合咨請施行等因准此知事雙方考查該商會工會各執理由莫衷一是而工會張植桂究竟有無

違章勒索市面滋擾各情非切實調查無憑呈覆知事遵即照會漢壽參事會行政廳四科暨警務公所秉公確查具覆嗣准參事會咨稱敝會調查工會張植桂組織工業分會成立以來劃清工商界線其入手辦法及舉行一切並未違章亦無勒索情弊核與商會電稟各情實屬不合事關重要理合備文咨覆以便轉呈據警務科科長梅實民政科科長陳慎機教育科科長劉厥歐財政科科長劉時勳等覆稱竊查百工之事皆聖人所作於人生日用大有關係自應竭力提倡方無負民國振興實業之盛意該工會自本年夏間經張植桂組織成立以來察其籌辦手續及一切進行方法均係遵章辦理所有入會舖店咸視其工業之大小及出品之貴賤酌量情形分別等類處置最爲平允並無違章勒索情事若如該商會所電各節何邑紳並無一人覺察其越界阻抗意圖破壞已可想見况該商會總辦聶光淇前因開設土店虧累甚鉅往來賬項均經折減尙未償清是於財產上大失信用去秋組織商會淇充總辦常郡商會皆有不承認之語尙不自愧乃復勾黨張鶴林等妄行電控阻撓工會殊屬有干法紀應請轉呈各上級官廳將該商會總辦聶光淇及庶務張鶴林一律令行取銷另選品行端正殷富商紳接辦以維公益而昭儆戒再此呈由警務科主稿會銜不會鈐合併申明准警務公所咨稱工商兩界各有定章工會辦事人員均皆老成諳練豈有違章勒索致貽人口實商會電稟工會各節雖未事再洞悉究稱工會縱容巡丁沿街滋擾市面難安實屬不情之論果有此事各機關何不聞之想是商會誤會亦未可知呈覆各等情據此知事查得工會張植桂等老成穩練尤極熱心公益組織工會成立手續均極和平採之輿論既無勒索滋擾情事復證之以各公益機關正紳查覆所控係屬子虛矧警務保守市面安寧秩序是其專責未據警兵呈報工會衛兵滋擾市面該警長咨覆亦云該商會電控各節實屬不情之論且知事查該工會註冊事宜迄今尙未辦竣間有繳冊費者刻尙共收二十元之譜生意微末者均予停收是以漢

壽城區工界共三百家上下而冊費未能集欸自該商會無端干涉而工會鄉鎮調查註冊竟未下手該工會現正設法糾集資本以爲擴充工藝廠工藝學堂之用其冊費既收集爲數無多知事復奉實業司九月十六號令文以後改章不得科取冊費小手工業不願註冊者悉從其便已知照該工會遵照辦理惟開辦數月僅收冊費二十元如以後或有資本之工業行店熱心工藝改良願意捐輸者仍請收納作爲遵飭改章之自由捐以期集腋成裘工業易臻發達至工商界線自應照章製造爲工營業爲商製造而兼營業者則工商兩會均可註冊不科冊費工界當無不樂從是進行公益體恤工人兩不相背方於工會前途不生障礙得以仰副振興工業之至意至該商會聶光淇張鶴林等於工會甫經開辦即行干涉業經工會呈請實業司暨總工會飭令該商會遵照定章有案茲復捏情電控未免壟斷把持有心破壞至聶光淇前因開設土店大失財產信用充漢壽商會總辦常郡商會有不承認之語或早經有案或衆所皆知其居心行事不洽衆望該商會總理一席是否應行另選都督自有權衡知事未敢擅專所有遵飭查覆漢壽商會電控工會違章勒索各緣由理合呈請鑒核批示飭遵再知事甫經接任確切調查羈延時日是以申復稍遲合併聲明等情據此除批據呈已悉仰候行實業司及商務總會查核辦理等因印發暨分行外合行令仰該商會即便查照妥核辦理此令

○都督令財政司核飭武岡商會早請在龍潭舖設局抽收城區穀米捐出

案據武岡州城董事會總董唐春炳董事謝績懋城議長萬士燮林亨泰等以該州自前清宣統二年二月閣州議於州城高沙鎮石江鄉黃橋鎮資東鎮康樂鄉等處穀米下河抽收公益捐每石穀收錢五十文石米加倍設局龍潭舖專收現值城鎮鄉分區自治高沙鎮石江鄉黃橋鎮資東鎮康樂鄉等處已將此項捐款由該各區就近徵收留作自治經費城區事同一律理應援例照辦擬於東門外玉帶橋設立

捐所仿照高沙等處辦法以城區之捐劃歸城區抽收以維自治而策進行早請俯賜核准令飭武岡州行政廳知事知照立案等情據此查閱原呈聲明分呈該司有案毋庸復叙除批仰候行財政司核議飭遵可也等因印發外合行令仰該司即便查照核議飭遵此令

財政司令

◎財政司令城陵磯釐局辦責成總稽查及收支員等設法查緝錢房張業芳捲逃釐款并呈覆遵

辦情形由

案照該同錢房張業芳捲逃釐款一案業經分電緝拏查暫行章程錢房經收之銀錢應按日彙交收支查此次被捲之款聞係兩日收數而收支員及總稽查於事前既不遵章辦理臨事又無覺察實屬咎無可辭爲此令行該員即便遵照責成該總稽查及收支員等設法查緝倘人贓無獲定爲該總稽查及收支員等是問仍將遵辦情形隨時呈覆爲要切切此令

◎財政司令各釐金專局直接征收落地釐金由

案查門釐一項均係應征落地釐金向由商店承包多以少數照繳包額日久相沿於釐課損失頗巨前已通令各局將向來包釐貨物改爲按貨征收則此項包繳落地之門釐自應一律免收凡起坡貨物應征落地釐金統由各該局直接征收庶免各商民藉爲口實茲由司刊刻告示合行令發該局即便遵照辦理仍將發來告示代爲標判張貼曉諭另文具報切切此令

△呈批▽

◎財政司批舒澤南等公呈推廣西路屠捐懇給委狀田

來呈已悉屠捐一項征收之法雖未規定通行章程非各屬舉辦率爲補助地方公用來呈既未指明用途且以數人之意欲攬辦數縣之捐其事必多滯礙未便准行此批

◎財政司批前辰州官錢局稽核路崇儉呈請勒傳李鴻宜等繳款一案由

稟悉公款重件絲毫不容含混該員既經辭卸應將經手放款逐一點有着落方能交代前據接辦張之紀呈稱該員交來經手各件內有私授無着之款將近萬金之多殊屬駭人聽聞此項欠款自應責成該員如數清理至鼎新質當之款如果與該員毫無轉轄豈有借公家巨款而敢任意抗拒之理且該典東李鴻宜李斌秋既係著名殷實又均承認繳款該行豈有不向彼追收之理該府知事法官又豈有不允將該典東押繳之理此種情節顯與該員有別項私涉仰湖南銀行轉飭常德分行查明呈覆核奪仍候都督批示抄稟批發

◎財政司批桂陽縣知事王子鑫呈提訊朱雲登買用使女暨罰款充捐各情形由

查核案情關係刑事應由法官裁判該知事何得自行審訊殊屬侵越法權惟既據提訊何奇香朱雲登等取具確供實非販買並處罰花邊二百元以充公款姑准如呈辦理嗣後凡關民刑事件均應送交該縣司法官審理毋得如此顛預切切此繳

◎財政司批卸任辰沅永靖道朱益濬收發張秋舫稟請領該前道養廉並長墊行餉銀兩一案由

稟悉查前清綠營行餉經撫藩核准後方飭附近釐局撥發客歲湘省反正朱前道增添防營既無前清撫藩之明文又無民國政府之命令所用餉項本司應不承認業經呈奉 都督批准在案茲准辰沅永

靖道咨開朱前道上年九十冬三月共於道庫儲備項下挪墊行餉銀五千五百六十六兩九錢周鎮台兼署道篆時僅於辰局領獲銀四千三百六十兩零七錢一分尙短領銀一千二百零六兩一錢九分請司補發等因查上年九十冬三月行餉僅應領銀三千一百四十兩零一錢朱前道在道庫挪墊此款實過支行餉銀二千四百二十六兩八錢養廉公費二項雖應領銀三千八百三十二兩三錢四分一釐除將過支款項扣抵外僅實應領銀一千四百零五兩五錢四分一釐仰即來司具領至請領長墊行餉銀三千餘兩萬難照准并仰知照此批

●財政司批永定縣田昺張序炳等稟請歸併機關以紓困難各情并該縣出入各款清摺由據稟歸併機關縮小範圍各情不無所見查行政廳章程原有量事設員各科得以兼攝明文該縣確係事務簡少廳內原可不必備員在警務一項既有警務長則廳內警務科即以民政科兼辦亦無不可其他各員役並宜力祛冗濫以事克舉行爲度惟知事職掌行政法官職掌司法二者權限必須分離所請以司法官兼知事一節應毋庸議現在司法經費已定從明年上忙起於各屬存留款內劃提四分之一到司攤勻發給不足由司庫補充挹彼注茲於瘠苦州縣足以稍紓困難財政管理處前據晃州廳張知事呈稱該廳各項經費多出臨時挪借該處并無財產可管等情當經批准緩辦在案該縣情形相同自可照辦現值上下交困各種支出總宜力求撙節併仰永定縣知事查照辦理仍候 都督及民政司批示清摺存此批

●財政司批湘鄉釐局呈報軍士四十餘人包攬棉花船四隻由

呈悉查退伍軍士包攬釐金實屬目無法紀仰候函催水師營速派舢板赴局彈壓可也抄由批發

△公件▽

◎民政司頒示禁烟總公所焚燬各項土膏數目

湖南禁烟公所彙集各項土膏焚燬數目一覽表

戶零買收	餘剩商土	商土買收	細別類
	兩 叁拾陸		廣土
壹千兩	捌千兩	壹千伍百兩	川土
百兩 壹千貳	兩 叁千壹百肆	壹千兩	雲土
叁拾兩	兩 柒拾陸	壹千兩	廣雲土
拾兩 陸百貳	錢 貳百叁拾伍	捌百兩	南膏
			烟灰
			料土
兩 百伍拾 貳千捌	兩 柒拾陸 貳錢	百兩 肆千叁	合計

明有文報

公件

一
一

分所呈解	吸戶寄存	緝獲私藏	合計
			陸拾叁兩
捌千兩	壹百伍拾兩零伍錢	壹千壹百貳拾肆兩	壹萬玖千柒百肆拾伍錢
肆千玖百捌拾錢		壹千兩	貳萬貳千捌百伍拾兩
叁百兩	壹拾叁兩伍錢	伍拾兩	壹萬零肆百柒拾兩
叁百捌拾叁兩	壹百伍拾伍兩	陸拾兩	肆千伍百伍拾兩零伍錢
貳拾兩		壹百壹拾兩	壹百叁拾兩
壹萬柒千肆拾兩		壹萬陸千兩	叁萬叁千柒百肆拾兩
叁萬壹千叁百陸拾壹兩	叁百壹拾玖兩	壹萬捌千叁百肆拾肆兩	玖萬壹千伍百伍拾壹兩

公電

●籌備選舉事務處致桑植縣知事電

來鳳局送桑植知事鑒微日早悉郵寄遲到之件諒已續到該屬辦事延玩殊甚若電到不立將選舉人

名總數電達本處定即咨行民政司記過罰俸籌備選舉事務處勘印

●籌備選舉事務處致龍山縣知事電

龍山縣知事鑒陽日呈悉該屬辦理選舉殊屬遲延若電到不立將選舉人名總數電達本處定即咨行民政司記過罰俸籌備選舉事務處勘印

●籌備選舉事務處致常德覆選監督電

常德覆選監督鑒本處電稱岳州選民總數十萬餘人旋經一區覆選監督派員覆查頃據覆電已就年齡及相當資格核減五萬餘名尙令覆查員再就稅額不動產認真查核務減益體亦同此辦理本處始終必求核實以歸公平希即轉達各屬毋令稍存疑慮致碍選舉進行貴區如武陵桃源澧州石門慈利永定沅陵南洲八屬尙未報到總數殊屬可慮切盼加緊督催再表載確定期已決定展緩五日請查照并通飭所屬知照籌備選舉事務處艷印

●籌備選舉事務處致桂陽州覆選監督電

桂陽州覆選監督鑒本處電稱岳州選民總數十萬餘人旋經一區覆選監督派員覆查頃據覆電已就年齡及相當資格核減五萬餘名尙令該覆查員再就稅額不動產認真查核務減益體亦同此辦理本處始終必求核實以歸公平希即轉達各屬毋令稍存疑慮致碍選舉進行貴區如桂陽州祁陽寧遠桂東四屬尙未報到總數殊屬困難切盼加緊督催再表載確定期已決定展緩五日請查照并通飭所屬知照籌備選舉事務處艷印

●籌備選舉事務處致沅州覆選監督電

沅州覆選監督鑒本處電稱岳州選民總數十萬餘人旋經一區覆選監督派員覆查頃據覆電已就

年齡及相當資格核減五萬餘名尙令該覆查員再就稅額不動產認真查核務減益體亦同此辦理本處始終必求核實以歸公平希即轉達所屬毋令稍存疑慮致礙選舉進行貴區如芷江桑植會同永綏綏寧五屬尙未報到總數殊屬困難切盼加緊督促再表載確定期已決定展緩五日請查照并通飭所屬知照籌備選舉事務處艷印

●籌備選舉事務處致衡州覆選監督電

衡州覆選監督鑒本處電稱岳州選民總數十萬餘人旋經一區覆選監督派員覆查頃據覆電已就年齡及相當資格核減五萬餘名尙令該覆查員再就稅額不動產認真查核務減益體亦同此辦理本處始終必求核實以歸公平希即轉達各屬毋令稍存疑慮致礙選舉進行貴區如武岡之不實務令該處覆查員認真核查非減不可新化之意在濫加者亦須嚴查邵陽請催報總數毋令觀望再確定期已決定展緩五日請煩查照并通飭所屬知照石君廣權回邵陽武岡事如須加派幹員可就近電石君電由邵陽行政廳轉交籌備選舉事務處艷印

●籌備選舉事務處致湘鄉縣知事電

湘鄉縣知事鑒巴陵選民總數已核減五萬以上尙在嚴查益體亦非嚴查至核減不已該屬如確有遺漏自得如確定期限內查實增補若或託詞遺漏效尤濫加致成破壞選舉之同當非該屬士紳所忍亦非該知事所能卸責仰即查照並曉諭各士紳毋忽籌備選舉事務處艷印

●籌備選舉事務處致甯鄉縣知事電

甯鄉縣知事鑒巴陵選民總數已核減五萬以上尙在嚴查益體亦非嚴查至核減不已該屬如確有遺漏自得於確定期限內查實增補若或效尤濫加致成破壞選舉之同當非該屬士紳所忍亦非該知事所

能卸責仰即查照並通知發電士紳黃鉞等知照籌備選舉事務處豔印

●衡州轉桂陽第三區覆選監督呈 都督暨籌備選舉事務處電

長沙都督暨籌備選舉事務處鈞鑒咸霰巧各電奉到均即備文轉令各州縣祇遵並詳加解釋以期了解注意進行自事務所成立以來催促各州縣照會命令各公函等件凡四百餘道因此地風氣閉塞不敢稍事縱弛由省抵衡即派州視員三人分途出發繼又酌量情形增派巡視三員督催已經呈報在案猶恐寫遠各處或有延誤復增派巡視三員攤款添委以期靈速守候督催以防冒濫現江華桂陽興甯三縣名冊已繳餘據巡視員函告名冊亦將趕造齊全惟道路梗塞即權將各處總數呈報尙需時日已飛函促呈尊處並令巡視各員守提不日當可觀成永明選民總數已趕派妥員前往覆查再兼辦省議會覆選事務更繁需用較前自大可否酌增經費以資辦公謹具各情呈請鑒核第三區覆選監督聯璧叩漾印

●常德轉慈利呈 都督暨籌備選舉事務處等電

長沙都督籌備選舉事務處常德覆選監督鈞鑒慈利選民總數九千五百四十五名細冊另呈縣知事雷以動叩勸印

公文

●都督咨贛督核辦宋廷宣呈伊子承綬在瑞金任內民欠未完乞邀准令歸文

案據湖南湘潭縣民宋廷宣呈稱竊民子承綬據稱於前清去年三月二十六日到江西瑞金縣任起至本年陽曆五月二十七日交卸前一號止所有任內經理正雜錢糧以及應交應解各款業已赴府會算具冊尙有短解洋二千餘元現已籌措清解惟另有民欠地丁屯餘一欸前稟奉江西財政司銑電內開

地丁屯餘係已裁之串雖未繳齊仍應核入交代諸紳既擔任催收應即趕緊追繳如延府委嚴追等因
在案查瑞邑徵收錢糧向未設櫃不歸書辦經承金憑差役收繳每屆上下忙時先將全忙串票盡數裁
交總差交由散差經理花戶完糧即繳由散差收交總差按卯呈繳瑞邑串票歸差彙裁係向來辦法與
臨時裁串取巧者人有區別官遇交卸或交由後任收解不入交冊或商請後任嚴追辦法已歷數十年
從無拖累即承綬到任亦代前任收解詎意新任張知事卓立以事不關己未肯加緊嚴追總以串票離
根有碍定制堅不擔任則承綬罷任之員手無三尺呼應不靈徒恃空口催差勢必拖延不了花戶一日
不清則交代一日莫楚日諸月居伊於胡底此可查可問之實在情形也在承綬因公羈累固屬分所當
然無奈民年越七旬忽罹病網膝下僅此一子睽隔多年倘有不測之風雲竟無應門之赤子思維再四
惶悚難安不得已惟有仰懇格外施仁成全頑懦賞准電咨江西都督轉飭該省民政司從速批令新任
張知事卓立照該縣舊例所有民子承綬任內正雜錢糧以及應交應抵各款一概接收催繳彙解庶此
項有着之款不至日久虛懸花戶不敢久延省庫藉得資助而承綬交代亦可早日了結俾得遄速還鄉
藉資侍養恩公兩便銘感無窮等情據此除批示外相應據情咨請 貴都督煩爲查核辦理盼切盼切
此咨

△轉錄▽

中央命令

●省議會議員各省覆選區表 (續)

第十三區 膠州 高密縣 即墨縣

●河南

第一區 開封府 (舊祥符縣) 陳留縣 杞縣 通許縣 尉氏縣 洧川縣 鄆陵縣 中牟縣

蘭儀縣 禹州 密縣 新鄭縣

第二區 鄭州 榮澤縣 榮陽縣 汜水縣

第三區 淮甯縣 商水縣 西華縣 項城縣 沈邱縣 太康縣 扶溝縣

第四區 許州 臨潁縣 襄城縣 鄆城縣 長葛縣 虞城縣 睢州 考城縣 柘城縣

第五區 商邱縣 甯陵縣 鹿邑縣 夏邑縣 永城縣 武安縣 涉縣 考城縣 柘城縣

第六區 安陽縣 臨漳縣 湯陰縣 林縣 內黃縣 武安縣 涉縣 考城縣 柘城縣

第七區 汲縣 新鄉縣 獲嘉縣 淇縣 輝縣 延津縣 濬縣 滑縣 封邱縣

第八區 河內縣 濟源縣 原武縣 修武縣 武陟縣 孟縣 溫縣 陽武縣

第九區 洛陽縣 偃師縣 鞏縣 孟津縣 宜陽縣 登封縣 永寧縣 新安縣 澠池縣

第十區 嵩縣 靈寶縣 閩鄉縣 盧氏縣

第十一區 陝州 南陽縣 南召縣 鎮平縣 唐縣 泌陽縣 桐柏縣 鄧縣 內鄉縣 新野縣

第十二區 汝陽縣 正陽縣 上蔡縣 新蔡縣 西平縣 遂平縣 確山縣 信陽州 羅山縣
 第十三區 光州 光山縣 固始縣 息縣 商城縣
 第十四區 汝州 魯山縣 潁縣 寶豐縣 伊陽縣

◎山西

第一區 陽曲縣 榆次縣 太原縣 文水縣 交城縣 太谷縣 徐溝縣 祁縣 清源縣

第二區 興縣 嵐縣 岢嵐縣 孝義縣 平遙縣 介休縣 石樓縣 臨縣 甯鄉縣

第三區 汾陽縣 永寧縣 孟縣 壽陽縣 樂平縣

第四區 忻縣 定襄縣 靜樂縣

第五區 保德縣 河曲縣 繁峙縣 崞縣

第六區 代縣 五台縣 繁峙縣 崞縣

第七區 甯武縣 神池縣 五寨縣 偏關縣 山陰縣 陽高縣 天鎮縣 廣靈縣 靈邱縣

第八區 大同縣 渾源縣 應縣 懷仁縣 山陰縣 陽高縣 天鎮縣 廣靈縣 靈邱縣

第九區 朔縣 右玉縣 左雲縣 平魯縣 馬邑縣 五原縣 和林格爾縣 甯遠縣 興和縣

第十區 歸綏縣 托克托縣 清水河縣 薩拉齊縣 五原縣 和林格爾縣 甯遠縣 興和縣

第十一區 陶林縣 武川縣 豐鎮縣 東勝縣

臨汾縣 吉縣 洪洞縣 浮山縣 鄉甯縣 岳陽縣 曲沃縣 翼城縣 太平縣

第十二區	襄陵縣	隰縣	大甯縣	永和縣	蒲縣
第十三區	霍縣	趙城縣	汾西縣	靈石縣	
第十四區	長治縣	長子縣	屯留縣	襄垣縣	梨城縣
第十五區	鳳台縣	高平縣	陽城縣	陵川縣	潞城縣
第十六區	沁縣	沁源縣	武鄉縣	沁水縣	壺關縣
第十七區	遼縣	榆社縣	和順縣		平順縣
第十八區	永濟縣	臨晉縣	虞鄉縣	榮河縣	萬泉縣
第十九區	解縣	安邑縣	夏縣	平陸縣	芮城縣
第二十區	新絳縣	垣曲縣	聞喜縣	絳縣	芮城縣
第一區	長安縣	咸寧縣	富平縣	臨潼縣	渭南縣
第二區	醴泉縣	藍屋縣	鄠縣	藍田縣	高陵縣
第三區	白水縣	韓城縣	潼關廳	朝邑縣	華州
第四區	鳳翔縣	岐山縣	寶雞縣	扶風縣	郿縣
第五區	南鄭縣	佛坪廳	定遠廳	留壩廳	隴州
第六區	沔縣	西鄉縣	甯羌州	城固縣	洋縣
第七區					峽陽縣
第八區					麟遊縣
第九區					鳳縣
第十區					褒城縣
第十一區					涇陽縣
第十二區					三原縣
第十三區					甯陝廳
第十四區					孝義廳
第十五區					興平縣
第十六區					華陰縣
第十七區					澄城縣

●陝西

第五區 安康縣 漢陰廳 平利縣 洵陽縣 白河縣 紫陽縣 石泉縣 磚坪廳
第六區 膚施縣 安塞縣 甘泉縣 保安縣 定邊縣 安定縣 宜川縣 延長縣 延川縣

靖邊縣

第七區 榆林縣 神木縣 府谷縣 葭州 懷遠縣

第八區 商州 商南縣 雒南縣 山陽縣 鎮安縣

第九區 邠州 三水縣 淳化縣 長武縣

第十區 乾州 永壽縣 武功縣

第十一區 鄜州 洛川縣 宜君縣 中部縣

第十二區 綏德州 米脂縣 清澗縣 吳堡縣

●甘肅

第一區 臯蘭縣 金縣 靖遠縣 渭源縣 狄道州 河州 安定縣 循化廳

第二區 隴西縣 寧遠縣 會寧縣 伏羌廳 通渭縣 漳縣分縣

第三區 洮州廳 岷州 秦安縣 清水縣 禮縣 西和縣

第四區 秦州 文縣 成縣 兩當縣 徽縣

第五區 階州 鎮原縣 崇信縣 化平廳 華亭縣 隆德縣 靜甯州 固原州 莊浪分縣

第六區 平涼縣 靈臺縣 甯州 正甯縣 安化縣 合水縣 董志原分縣

第七區 涇州 靈臺縣 甯州

第八區 平遠縣 環縣 海城縣

第九區 甯夏縣 寧朔縣 平羅縣 靈州 寧靈廳 中衛縣
 第十區 武威縣 鎮番縣 永昌縣 古浪縣 平番縣
 第十一區 西甯縣 貴德廳 巴燕戎格廳 碾伯縣 大通縣 丹噶爾廳
 第十二區 張掖縣 山丹縣 撫彝廳 高臺縣
 第十三區 肅州 玉門縣 安西縣 敦煌縣

◎新疆

第一區 迪化縣 阜康縣 孚遠縣 奇台縣 昌吉縣 綏來縣
 第二區 鎮西廳 哈密廳
 第三區 庫爾喀喇烏蘇廳 精河廳
 第四區 綏定縣 甯遠縣 霍爾果斯廳
 第五區 塔城廳
 第六區 吐魯番廳 鄯善縣
 第七區 焉耆府 新平縣 婁羌縣
 第八區 庫車府 沙雅縣 輪台縣
 第九區 溫宿府 溫宿縣 拜城縣 烏什廳
 第十區 疏勒府 疏附縣 伽師縣 巴楚州 英吉沙爾廳
 第十一區 莎車府 葉城縣 皮山縣 澤普廳
 第十二區 和闐州 于闐縣 洛浦縣

四川

第一區	成都府	(舊成都府)	華陽縣	雙流縣	溫江縣	新繁縣	新都縣	郫縣	灌縣
	彭縣	崇甯縣	新津縣	崇慶州	什邡縣	漢州	金堂縣	簡州	松潘廳
	茂州	汶川縣	理番廳	懋功廳	井研縣				
第二區	資州	資陽縣	仁壽縣	內江縣	井研縣				
第三區	眉州	青神縣	丹稜縣	彭山縣					
第四區	嘉定府	(舊樂山縣)	峨眉縣	洪雅縣	夾江縣	犍爲縣	榮縣	威遠縣	峨眉邊廳
第五區	敘州府	(舊宜賓縣)	慶符縣	富順縣	南溪縣	長甯縣	高縣	筠連縣	珙縣
	興文縣	隆昌縣	屏山縣	馬邊廳	雷波廳				
第六區	瀘州	納溪縣	合江縣	江安縣					
第七區	永寧州	古蔺縣	古宋縣						
第八區	重慶府	(舊巴縣)	江津縣	長壽縣	永川縣	榮昌縣	綦江縣	南川縣	合州
	涪縣	銅梁縣	大足縣	璧山縣	定遠縣	江北廳			
第九區	酉陽州	秀山縣	黔江縣	彭水縣					
第十區	忠州	酆都縣	墊江縣	梁山縣	石碛廳				
第十一區	夔州府	(舊奉節縣)	巫山縣	雲陽縣	萬縣	開縣	大甯縣		(未完)

◎審定教科用圖書規程

(續)

第三十八條 城鎮鄉立小學校之經費由城鎮鄉或學校聯合擔任之其概目如左

一 設備費及維持費

二 職員俸及其他給與諸費

三 校內雜費

前項城鎮鄉擔任初等小學校之經費仍依第四條第二項辦理

關於委託兒童教育事務之經費亦照前二項辦理

縣立高等小學校之經費由縣經費支給其概目如本條第一項

第三十九條 城鎮鄉立初等小學校不徵收學費其補習科及高等小學校不在此限

城鎮鄉立初等小學校視地方情形經縣行政長官之認可亦得徵收學費

第四十條 城鎮鄉立小學校之學費作為城鎮鄉或學校聯合或本區之收入

第四十一條 徵收學費額別以規程定之

第八章 掌管及監督

第四十二條 城鎮總董鄉董及學校聯合長承縣行政長官之指揮掌管屬於本城鎮鄉或學校聯合之小學校

以縣經費設立之高等小學校由縣行政長官掌管之

第四十三條 縣行政長官得令城鎮鄉或學校聯合之區長承城鎮總董鄉董或學校聯合長之指揮
輔理本區教育事務

第四十四條 城鎮鄉立小學校及縣立高等小學校校長教員所執行之教育事務由縣行政長官監督之

第四十五條 私立小學校由縣行政長官監督之

第九章 附則

第四十六條 本令第二十六條第二十七條之施行期得展延至三年以內

城鎮鄉制未施行之地方暫由本縣之學務機關斟酌辦理

在北京地方非縣所管轄者暫由京師學務局辦理

在未設行省地方由該地方辦事長官察度情形酌定變通辦法報經教育總長認可辦理

第四十七條 本令自公布日施行

中華民國元年九月二十八日部令第十二號

茲訂定中學校令十六條特公布之此令

京師學務局
右令本部直轄學校
各省教育司

●中學校令

第一條 中學校以完足普通教育造成健全國民為宗旨

第二條 專教女子之中學校稱女子中學校

第三條 中學校定為省立由省行政長官規定地點及校數報告教育總長

教育總長認為必要時得命各該省增設中學校

第四條 省立中學校經費以省經費支給之

第五條 各縣於設立法令所定應設學校外尚有餘力時得依本令之規定或一縣或聯合數縣設立中學校爲縣立中學校

第六條 私人或私法人得依本令之規定設立中學校爲私立中學校

第七條 中學校之設立變更廢止須經教育總長認可

第八條 中學校修業年限定爲四年

第九條 中學校之學科目與其程度及教科書之採用別以規程定之

第十條 中學校之編制及設備事項別以規程定之

第十一條 中學校學生入學資格及關於轉學退學事項別以規程定之

第十二條 中學校教員以經檢定委員會認爲合格者充之

第十三條 中學校校長教員之俸給依部訂規程之標準由省行政長官定之

第十四條 中學校徵收學費額依部訂規程之標準由校長定之其有因特別理由免收或減收學費者必經省行政長官許可

私立中學校徵收學費額由設立人定之報告於省行政長官

第十五條 本令第四條第十二條第十三條之施行期別以部令定之

第十六條 本令自公布日施行

中華民國元年九月二十八日部令第十三號

茲訂定師範教育令十三條特公布之此令

右令 京師學務局
本部直轄學校
各省教育司

◎師範教育令

第一條 師範學校以造就小學校教員為目的

專教女子之師範學校稱女子師範學校以造就小學校教員及蒙養園保姆為目的

高等師範學校以造就中學校師範學校教員為目的

女子高等師範學校以造就女子中學校女子師範學校教員為目的

第二條 師範學校定為省立由省行政長官規定地點及校數報告教育總長分別設立

縣因特別情事依本令之規定由省行政長官報經教育總長許可得設立師範學校為縣立師範學

校

兩縣以上聯合設立師範學校者亦須依前項之規定

私人或私法人依本令之規定經省行政長官報告教育總長許可得設立師範學校為私立師範學

校

高等師範學校定為國立由教育總長通計全國規定地點及校數分別設立

第三條 師範學校經費以省經費支給之

高等師範學校經費以國庫金支給之

本條第一項之規定在第二條之第二第三第四項不得援用

第四條 師範學校高等師範學校之修業年限學科目及程度別以規程定之

(未完)

各部呈批摘要

◎大總統批國務院代遞湖南代表鄒代藩等請續運東蘆鹽引呈

據呈閱悉該省需鹽孔急應先由長蘆續撥鹽五萬引運往查照前案辦理餘著妥商財政部核辦飭即傳知該代表等遵照此批

中華民國元年九月二十日

大總統蓋印 趙秉鈞署名

●農林部批湖南桃源縣農務分會控告馬猶龍等呈

呈悉該員等呈控馬猶龍等種種劣跡各端事關詞訟應逕赴司法官署呈訴又農會原爲圖謀農事之改良發達而設非互相爭利之地現本部擬訂農會暫行規程業已公布仰即遵照改組毋得再相攻訐以重公益而策進行此批

●陸軍部呈 大總統准臨時稽勳局咨開鍾傑自請取消卹典一案請准交國務院取消文並批

爲呈明事案准臨時稽勳局咨開據湖南武陵人鍾傑呈稱辛亥以來與楊烈士晉康焦烈士達峯等運動革命去秋光復湖南後因西路反抗焦遂命楊爲西路招討使傑與余昭常副之招撫至常德楊余諸烈士被慘殺者二十餘人傑亦被縛身負重傷幸該府紳士及新軍管帶陳書田保釋傑因歸家養傷數月未出同志疑傑遇害遂呈請黃留守轉申 大總統照右將軍陣亡例入祀烈士祠今傑尙偷息人間抱愧無地請將卹典澈底取消等情到局請即查照轉呈 大總統將鍾傑所得卹案取消等因准此查南京黃留守移交卷宗據湖南胡國樑等申請將焦達峯等予卹一案內開鍾傑係擬照右將軍陣亡例予卹四月十七日奉 大總統批據呈已悉焦達峯等均照所擬給卹交國務院備案此批等因奉此茲

據鍾傑呈稱力謀改革現尙生存請將郵典取消等情前來足見秉性義烈實事求是殊屬可嘉理合詳具前由呈明 大總統准交國務院取消鍾傑郵案以符名實而昭慎重實爲公便此呈
批據呈已悉應即照准此批

中華民國元年九月三十日

大總統蓋印 趙秉鈞段祺瑞署名

各公件摘要

公電

●黑龍江都督致籌備國會事務局電

籌備國會事務局鑒衆議院議員選舉法第四條直接稅一項凡納公益捐者是否包入在內希速電覆黑龍江都督宋小濂霰印

●籌備國會事務局覆黑龍江都督電

黑龍江都督鑒霰電悉查直接稅限於地丁漕糧係經參議院解釋來電所稱公益捐按照院議自不在內希查照籌備國會事務局東印

●陝西都督致籌備國會事務局電

籌備國會事務局鑒前接貴局馬電覆山東都督巧電謂調查員不應在辦理選舉人員中不應停止其調查區內被選舉權本日接到政府公報一百四十四號載衆議院議員選舉法施行細則其第八條第一二三項所列各員及第四項所設委員自應均作爲辦理選舉人是調查員不應特別提出已無疑義祈貴局認可速電各省更正并賜覆陝省都督鳳翔儉印

●籌備國會事務局覆陝西都督電

陝西都督鑒儉電悉調查員依事實上自不能謂與選舉無涉惟衆議院選舉法第一章第二節所規定辦理選舉人員並無調查員在內按照法文解釋即不應停止調查員之被選舉權施行細則第八條所列各項人員係就原法第二十三條之規定分列調查員在內並非謂調查員即係辦理選舉人員也總之辦理選舉與調查選舉各爲一事該員等調查既畢即無直接辦理選舉之權法律上既未限制自應仍照迭次通電辦理希查照籌備國會事務局冬印

●四川民政長致籌備國會事務局電

籌備國會事務局鑒前奉寒電關於第七條之解釋至爲明瞭惟地方官制未經頒布而各省現行官制原不一律今就川省暫行制論知事署設有四課內徵收課用本縣人由財政司委任各道及各縣沿前清舊制設有視學一職由教育司委任其他各行政司法官署之科長科員無不由主管官廳委任而來於臨時暫設之延聘僱傭均屬不類按之現制又實有其職者類乎官吏似應在停止之列但又近於事務官與政務官稍異前電示僅在各官署襄辦公務之員不得以本法所稱之官吏論似又不受停止限制究應停止與否希即示知無任盼企四川民政長張培爵晦印

●籌備國會事務局覆四川民政長電

四川民政長鑒晦電悉州縣署內之各課各道各縣之視學員以及各署之科長科員雖係事務官如果按照川省暫行之制確有一定職守而又由主管官廳正式委任者自與延聘僱傭暫時襄辦公務之員不同應以現任官吏論籌備國會事務局冬印

●籌備國會事務局致各省都督民政長電

各省都督民政長鑒據吉林都督卅電稱奉元電內稱船舶亦以不動產論按之立法通例船舶可稱爲不動產者必供航海之用非以櫓權運行且須有一定之噸數以上者方爲合格我國未有海商法明白規定是否可照此解釋即請宣示等語查參議院解釋不動產包含船舶一項係採取各國通例我國船舶法現未制定頒行自應按照衆議院選舉法第四條第二款所規定凡有船舶計值五百元以上者不問其是否供航海之用均以合於本款資格論除電覆外合電達籌備國會事務局冬印

●籌備國會事務局致各省都督民政長電三則

各省都督民政長鑒現在選舉調查將竣初覆選監督應行頒發選舉通告及一應宣示公衆事項自應尅期辦理所有監督行文名義亦須就衆議院暨省議會議員選舉分別釐訂辦法凡衆議院議員選舉事項總監督應稱衆議院議員某省選舉總監督覆選監督應稱衆議院議員某省第幾選區覆選監督初選監督應稱衆議院議員某省某府廳州縣初選區初選監督其省議會議員選舉事項總監督應稱某省省議會議員選舉總監督覆選監督應稱某省省議會議員第幾選區覆選監督初選監督應稱某省省議會議員某府廳州縣初選區初選監督希分別迅飭遵照籌備國會事務局支印

各省都督民政長鑒據直隸都督冬電稱衆議院議員選舉法第五十六條初選以本區應出當選人名額除投票人總數將得數三分之一爲當選票額第七十五條覆選以本區應出議員名額除投票人總數將得數之半爲當選票額假如除有奇零不盡之數或初選得數不能三分覆選得數不能折半如何辦理至乞電覆等語查法文規定非得滿額者不得爲當選人細釋法意於滿額之滿字極爲注重則法定當選票額應從嚴格解釋例如初選區當選人名額爲十數投票人爲千數以當選名額除投票總數則爲一百以三分之得數三十三餘爲不盡數法文既規定得票之數須滿三分之一設得三十三票則

三分百之數實爲未滿應以實得三十四票者爲當選餘依此類推復選折半計算奇零不盡亦照此辦理除電覆外合電達籌備國會事務局微印

各省都督民政長鑒此次籌備選舉期限迫促異常現屆各初選區選舉人名冊將次告成依衆議院議員選舉法及省議會議員選舉法第二十五條所規定應於名冊告成時即由各初選監督分別冊報總監督及覆選監督以便分配議員及初選當選人名額惟各省之府廳州縣距離省會遠近不齊恐難如限將此項冊報彙齊則分配且因而延宕以後一切籌備程序勢將一律展緩必至貽誤事機應由各選舉總監督先行通電各初選監督於此項名冊告成時一面依法冊報並先將該區選舉人總數由電報告總監督其不通電地方專差馳赴附近電局通電報告各初選區選舉人總數電報彙齊總監督即可據以分配各覆選區議員名額不必守候冊報到齊始行著手各區議員名額分配既定總監督一面行文通知一面電達各覆選監督各覆選監督即據以分配初選當選人名額於各初選區仍照上開電知辦法辦理似此變通籌備既較敏速而於法令亦無背戾此外凡關於籌備選舉事項及由局疊次解釋法令之通電一律分別電行其不通電之處仍由附近電局專差飛速送達俾免遷延致誤要公內務總長微印

●內務總長致各省都督電

各省都督民政長鑒案查各省長官及各府廳州縣凡有關於選舉程序事項來往重要文件均用電達其不通電地方亦均由就近電局專差火速飛遞前經商准交通總長通飭各電局遵辦在案頃因晉省不通電地方過多各該電局因相距過遠每藉口於電路未通擱置不轉復經函商交通總長核辦去後茲准復稱該局等擱置不轉殊屬玩忽已由本部通飭各電局遵照前定辦法認真辦理其晉省各局已

予嚴飭並經通飭各省嗣後於轉遞不通電地方之電欲由何處電局專送即於電文內冠一某某電局專送數字庶各該局有所責成不敢再行推諉等因合即通電查照仍由各總監督預查某不通電之府廳州縣應由何處電局專送較爲便捷先行指定局名分飭遵辦以免延誤內務總長宥印

公文

◎交通部議定管理輪船公司註冊給照事項權限通行遵照文

爲通行事各省大小輪船公司註冊給照事項與工商交通兩部均有關係管理權限亟須劃分現經本部與工商部議定嗣後航商組織輪船公司凡關於公司註冊等事由工商部核准註冊發給公司執照惟核准之前須咨交通部查核航路有無窒礙關於船隻註冊等事由交通部核准註冊惟核准之前須咨工商部查核該公司曾否註冊俟見復後再由交通部發給輪船執照其僅係購置輪船並不設立公司者即無庸咨工商部逕由交通部註冊發給輪船執照等因除由部備案外相應通行各省都督稅務處招商局暨各省船會商會一體遵照可也

◎國務院咨覆財政部前准咨送擬具完全組織中國銀行各辦法議案一件業經議會公決希從速

辦理文 附原議案一件

爲咨覆事前准貴部咨送擬具完全組織中國銀行並大清銀行清理處歸併辦理議案一件業經本月二十七日會議公決照辦迅速實行相應咨行貴部即希查照從速辦理可也

◎擬將中國銀行完全組織並將大清銀行清理處歸併辦理議案

財政部此次成立之初即將大清銀行宣告清理另設中國銀行當時大清之名旣以消滅大清銀行自無存在之理中國銀行當南京政府時業已創始此時在北京開辦亦固其所而數月以來兩行之事務

每多軼轍不清不能葛藤永斷推原其故皆由中國銀行可與大清銀行分離中國政府不能與大清銀行之商人分離中國銀行之辦法雖不牽涉大清銀行中國銀行之欸項乃不能不牽涉大清銀行以致名雖分而實不能不合與其離之兩傷何如合之雙美試將其理由一一陳述先言中國政府與大清銀行不能分離之理由中國所以改革者謂將矯前清之失而救正之耳前清之所失在政府無信用人民皆不信任政府以至於亡今民國初基若不以確立國信爲第一義將對內對外處處不能見信於人仍是事事無從著手欲立國信亦必先有一事以爲之鵠欲爲民國政府樹信用之鵠莫如將大清銀行商民所受之虧損一一由政府任之使商民知在前清已失之資財民國猶爲之償補則此後於民國新營之事業如募集公債發行紙幣之類皆可不疑爲誑已自然咸樂於投資此中國政府所以萬不能與大清銀行商人分離也再言中國銀行欸項不能不牽涉大清銀行之理由夫始兩銀行始終判然資本營業皆不相涉自無自議乃始則 孫袁兩總統批准以大清商股作爲中國商股繼復以股東之請改爲中國存款終復以中國銀行無欸不能任存款償還之重復思以大清產業劃歸中國收管而大清所負商存票存之欸無確實之產業以爲抵當勢必仍取償於政府故大清銀行清理處期以爲不可此中國銀行欸項不能與大清銀行分離而間接仍涉及政府之情形也中國銀行緣此之故又以資本未齊以至營業不能進行物論且相攻擊本部不得已始有國家銀行籌辦處之設將取前兩端所言不能分離之處一爐冶之庶辦理易於就緒茲擬具辦法三端以資商榷一曰合併之次第中國銀行之外已設大清銀行清理處又設國家銀行籌辦處非將大清銀行之存欠了清清理處即一日不能撤非將國家銀行之基礎確定籌辦處亦一日不能無然舉上所云不可分離之事實如彼而辦理此事乃歧而二之如何能濟故擬將三者合而爲一仍以中國銀行爲主體即以籌辦處附設其中辦理中國銀行之事因

監督業已辭職銀行條例尙未通過不能無人主持故也再以前大清銀行清理處歸併其中俟清理完竣即將清理處與大清銀行之名一同消滅屆時籌辦必早有成中國銀行已成爲完全之國家銀行籌辦處亦自可毋庸矣此合併之辦法也合併既定然後再定辦事之宗旨一曰清理處之宗旨大清銀行舊有之款爲官股官存官欠商股商存商欠票存七項現在即以清釐此七項款目皆有着落有結束爲其宗旨除官股官存暫可緩議官欠商欠應行催繳由清理處隨時辦理外目前辦法應以歸結商股商存票存三者爲最亟商股改爲中國銀行存款已有成議票存爲數尙不過鉅當由清理處籌備現款兌付商存一項共有五百八十七萬一千七百九十餘兩之多一時斷難盡付內中五百兩以下者共約十九萬四千餘兩爲數無多且多貧戶應由清理處籌款先還其餘仿照大清商股辦法一律作爲中國銀行存款由銀行發給存單再行分期歸還其辦法亦分兩種二千兩以下者共約七十二萬八千餘兩於一年內還清二千兩以上者共約四百九十四萬八千餘兩分三年還清如有存票屆期而願換給中國銀行股票者亦聽其便其以前浮存無息者現在亦一律給息五釐以示優待此清理大清銀行之辦法也一曰籌備中國銀行之宗旨中國銀行開辦廣告既明言招股又明言商股未招集以前由政府先撥股本七百五十萬兩乃撥款既未照付後有改招股爲國有之議並有疑設國家銀行籌辦處即爲另辦國有銀行者謠誣紛乘全乖本意使果如此國信何存夫國家銀行之有商股爲世界大多數之辦法商股未集由政府撥款墊辦爲目前不能不如此之辦法現在籌辦處即應守此二義爲籌辦中國銀行之宗旨一面招股一面由政府陸續籌撥足此七百五十萬兩之數以昭大信當股未招得款未撥到之時中國銀行既已承受大清銀行商股商存均改存款之一千萬兩又須將商股於四年內商存於三年內還清自不能不將大清銀行之財產如濬浦經費長蘆鹽商之借票天津上海漢口行基之類其價值足敷

一千萬兩之抵押品者歸入中國銀行銀行即可先押數百萬兩以爲資本而爲之備此外大清銀行之欠款應收者尙多但能否收齊尙無把握如果收齊之後抵還債務尙有盈餘亦可作爲中國銀行資本此在新行既有資營運易於周轉舊行亦可分年還款不致爲難所謂合之雙美者也此現在籌辦中國銀行不易之辦法也本部對於此事籌思至再以爲中國今日非速設國家銀行爲全國經濟通流之血脉爲外利挽回抵制之權輿則財政永無轉機而銀行非有確實之信用亦斷不能成立故擬以籌還商股商存恢復舊日國家銀行之信用以招人商股撥足七百五十萬開辦之款確立今日中國銀行之信用而即以樹此後民國辦事信用之鵠爲將來中央銀行鞏固之基至於銀行則例當俟此問題解決之後再行提出會議是否如此應請公決

附分年籌還大清銀行商存細數清單一紙

謹將大清銀行商存分年攤還銀數開摺列表呈覽

計開

五百兩以下共銀十九萬四千三百八十二兩四錢八分九釐由大清銀行清理處籌款償還

二千兩以下共七十二萬八千九百二十二兩四錢八分二釐 利息平均以五釐計算約共合銀三萬

七千兩改發中國銀行存單一年全數還清

二千兩以上共銀四百九十四萬八千四百九十二兩三錢五分九釐 改發中國銀行存單三年還清







每年約攤本銀一百六十四萬九千四百九十七兩四錢五分三釐 利息平均以五釐計算第一年約

共合銀二十五萬兩第二年約共合銀十六萬五千兩第三年約共銀八萬二千兩 附三年應還本利

銀數表

三年應還本利銀數表

年 期	本 銀 數	利 銀 數	合 計
第 一 年	七二八九二二、四八二 一六四九四九七、四五三	三七〇〇〇、〇〇〇 二五〇〇〇、〇〇〇	二六六五四一九、九三五
第 二 年	一六四九四九七、四五三	一六五〇〇〇、〇〇〇	一八一四四九七、四五三
第 三 年	一六四九四九七、四五三	八二〇〇〇、〇〇〇	一七三二四九七、四五三



東西文明諸國印刷事業極爲發達今民國成立社會日增進步印刷工藝自當力求精良以應各界之需要本社開辦以來即蒙各界諸君所推許

賜顧者接踵下臨大有應接不暇之勢其印刷之美好機器之精良以及鉛字充足花樣新奇早爲

惠顧諸君深所鑒及凡有書籍講義文憑股票雜誌名片公文告示零件單張均可承印無不精益求精以副

惠顧諸君之雅意且較之他處格外克己以廣招來如蒙賜顧請惠臨本社事務所面訂一切不誤期限本社暫借育嬰街半園內設立事務所先行交易俟工場完備再行擇期開張謹佈

湖南政報處簡章

- 第一條 本報記錄湖南政署之一切文件使人民有所遵守故定名曰湖南政報
- 第二條 湖南省各政署關於當揭載本報之命令文電應每日彙送於本報編輯部
- 第三條 凡湖南政署通行各屬文書均由本報刊布但單行文件或未便公布者仍另用文書傳達
- 第四條 凡未經本報刊布之章程文電除政府公報外其他報紙及印刷物登載者公牘中不得援據
- 第五條 凡法令除專條別定施行期限外省城以刊布本報之日起各屬以本報遞到之日起均有遵守之效力其先期接有公發印電及單行文書者不在此限
- 第六條 本報到達各府廳州縣後所有報費及郵費應責成各行政廳按月送至本政報處
- 第七條 各府廳州縣之行政廳收到本報後應將收到日期及報載公文已否遵辦情形彙報都督府
- 第八條 各政署送刊之件以送到之先後挨次登載其收到時刻以編輯部收登次序爲據
- 第九條 本省各政署各公共團體皆有購閱本報之義務
- 第十條 本報每月出版十冊每三日出版一冊其發賣之定價每月份售銅元三十八枚每冊售銅元四枚

一 二 三 四 五 一 二 三 四 五 六

湖南政報刊目

命令

都督令 各司各廳各局令

呈批

公電

公文

通告

議事錄

省議會速記錄 政府會議發表事件

(轉錄)

中央命令

總統令 閣令 部令

中央公電

各部呈批摘要

中央通告摘要

國會速記錄要

各公電摘要

公文 說明附

一 二 三 四

一 本報所記錄以本省政署所發交刊佈者為限

二 凡由政署合各行政官所發表之意見書

得列入通告門

三 政務會議事件之須發表者或以速記錄

形式發表之或直舉某事件理由結果發

表之由政署明定

四 本報轉錄政府公報除中央命令公電外

餘皆摘要而錄之

甲 呈批摘要其與本省有關係者或與全國重

要問題有關係者

乙 通告則取其公佈事件效力長久者

丙 國會速記錄摘要議事大概及議案之結果

丁 各省公電摘要其重要而關係全國或本省

者

戊 凡各省政署特別注意事件由政署指定記

錄或由政署預示其特重之政議於編輯員